

諸家系図纂

十一之二

家傳




庫文閣内		
五 函	三 三 三 五 三 號	和 書
一 架	七 五 冊	類



内閣文庫	
番號	和 36353
冊數	75 (31)
函號	156 1



村上源氏赤松之畧譜



人皇六十二代村上天皇第七之皇子具
平親王之長子贈太政大臣從一位師房
後一條院寬仁四年十二月二十六日始
而出王氏賜源姓是則村上源氏之始也
師房長男從一位左大臣俊房次男從一
位右大臣顯房然而顯房雖為次男依為

堀川院之外祖 上皇今上登庸之故此
家繁榮而代々被任大臣而清華之其一
也其子太政大臣從一位雅實從是號久
我矣其子從二位右大臣雅定其嫡男正
二位內大臣雅通次男從二位大納言定
房雅通依為嫡男續其家從雅通之子通
親其子通具到于今相續於其家久我之
家是也定房嗣堀川家此赤松氏之太祖

也定房子正三位大納言定忠其子從三
位左中將師季然師季被配流播州佐用
之庄而於播州生一子號季房其頃有勅
免領播州季房又被任從三位侍從矣從
斯當家之家名稱與赤松始而立武家赤
松氏武家之始也從赤松氏雖為武家依
為堀川正統當家之子孫雖為無位無官
蒙永准三位列公卿之席禁色昇殿之勅

免云云季房子從五位上近江守季則其
子從五位上播磨守賴則其子從四位上
播磨守則景其子從四位上左衛門佐家
範其子正四位下左衛門督久範其子正
五位上播磨守茂範其長男五郎法師圓
光次男四位判官播磨守則村圓光子敦
光是號別所而別所氏之祖也則村為入
道號赤松圓心從是赤松氏大著于世

赤松圓心入道元弘亂之時賜大塔宮之
令旨奉屬先帝之御味方正慶元年八月
先吾本國搆播州苔繩之城討從近國同
二年二月出張攝州摩耶之城而受大敵
得勝利同三月遂攻登京師與兩六波羅
戰得勝利又高時將此名越尾張守高家
戰得勝而高家擊捕同五月七日忠顯并
與法印良忠謀合而攻破六波羅同月

奉成 後醍醐帝之還幸致忠義之事世
皆知之矣雖然建武之始功臣等多所行
恩賞之日依坊門少將之讒圓心獨不被
忠賞刺被召上本國播州僅令居佐用之
一庄故圓心奉恨朝家同二年屬尊氏公
敗官軍屢以有軍功自將軍賜本國爾來
為將軍家之股肱而子孫悉有封國也
圓心嫡男正五位下信濃守範資其次從

五位下筑前守貞範其次律師則祐其次
彈正少弼氏範皆元弘建武之亂依有戰
功自將軍賜所地矣信濃守範資為撰州
太守筑前守貞範領丹波春日郡播州伊
川其外二十餘箇所又為美作之守護職
律師則祐繼圓心之家領播州彈正少弼
氏範獨候于南方領撰州中島同有馬郡
備前右馬屋卿後播州清水自殺也信濃

守範資家號七條赤松而當家之嫡流也
範資嫡男正五位上判官光範其子安房
守滿弘其子從五位判官治部少輔教弘
其子從五位上彈正大弼教父早逝而依
無子以其弟為嗣是謂藏人頭正五位下
元久其子從五位上刑部少輔政資其長
男義克次男義村三男政世義克者別起
家不家督次男義村為播州之赤松政則

養子三男政世續家播州之赤松到政世
政世子有景隆村吉秋吉之三子也
刑部少輔政資嫡男左馬頭義克有故而
從幼年於播州之同姓廣瀨式部大輔祐
定家為養育成人而謁于將軍於御前
為元服號赤松左馬頭義克而賜御諱之
義字并御劔桐紋等被任正五位下兵以
政資之嫡男而赤松家之總領尤當其器

也義克元服之後於攝州領所地矣廣瀨
式部太輔祐足無家嗣而卒也於是義克
又其遺跡領播州廣瀨石野其外三郡矣
祐定者則祐五男上野介持則孫也從義
克當家之嫡流範資之後七條赤松為兩
流也雖然義克依為總領給旨院宜御教
書系圖等皆悉傳義克而所地者與政世
也義克號廣瀨之屋形又義克子正五位

下越中守義氏其子從五位上右京亮氏
貞從斯號石野之屋形氏貞子從五位下
越中守氏滿後改和泉守其頃同姓別所
小三郎長治振武威領播州東八郡居同
國三木之城赤松之家族從之者多矣天
正年中信長公欲治中國先與播州於羽
柴秀吉以攻別所守喜田直家亦以備前
美作之兵應秀吉是以別所屢雖敗秀吉

之軍秀吉以大軍依攻之別所終沒落而
秀吉拔三木之城此時赤松之家族滅者
多氏滿依為當家之總領別所殊重之故
氏滿雖為諸將司出張平山口防敵戰勝
自射敵之隊長古田竹中等之良士而勇
武甚張矣別所沒落之時氏滿亦欲自殺
此時同姓有馬中務少輔則賴者氏滿舅
也故則賴代我軍功而使秀吉謝罪於信

長公小守右衛門佐亦舊依為赤松之旗
下相共謝罪於信長公是氏滿遇赦去於
播州少時居攝州之側矣有馬中務少輔
則賴者則祐三男有馬出羽守義祐之後
也其後信長公薨秀吉公治天下之時秀
吉公召氏滿雖有可賜本領之約其項舊
之家臣宇喜田等領備作二州又兼播州
之守護職而其勢甚也故氏滿愧出其下

不敢望本領又首故而不欲事大嗣是以
去檇州赴賀州依加賀大納言利家遂卒
于賀州兵利家之先祖播州管家之族也
然管家皆屬赤松之旗下以其奮好故也
既氏滿赴賀州之日悲時之不過敢不思
子孫之後榮自有遁世隱跡之志故自燒
先祖傳來之綸旨院宣御教書等之重寶
以欲使子孫不傳後來也是憤其家之衰

廢也氏滿子八兵衛義利十九歲之時從
賀州赴駿州始奉事神君為近習於上
總國賜下領所七鄉慶長年中濃州関ヶ
原之役既以為軍使爾來子孫以奉事御
當家也曾圓心三男則祐續圓心家督領
播州矣其子大膳大夫義則公方家四職
之一也義則母佐々木道與女也是以
將軍亦尤異過之山名謀叛之時義則有

戰功山名已後以備前美作賞於義則其
子左京大夫滿祐亦續父之職領播備作
三箇國然中務少輔顯則之末子越後守
持貞者依為義持之寵臣召放於滿祐
所領三箇國欲賜於持貞于時滿祐憤之
放火於京師之已館下播州義持怒而欲
令討滿祐雖然持貞之驕禮諸臣等因訟
之持貞自殺也滿祐者蒙赦入道而歸洛

其後將軍至義教公圓心次男筑前守
貞範嫡孫伊豆守貞村以男色為幸臣故
依其寵愛亦滿祐所領之國召放播州備
前美作之三國可被下之御教書密賜貞
持故滿祐聞之含怨企隱謀而奉成御遊
於已館忽奉執義教公于時嘉吉元年也
實暴逆無道豈不恐之乎既滿祐一族俱
下本國播州相待討手之處自京師亦尋

以細川以下之諸軍被下討乎此時滿祐
一家典類皆被遂罪矣其頃撰州赤松家
之隊長元久在國而僅六七歲也雖不典
滿祐隱謀之事依為其一家公方家漸疎
之故其家亦微々也爰滿祐入道性具勇
伊豫守義雅子為出家謂性存後還俗而
生一子謂次郎然次郎五歲之時義雅即
從石見間島兩人相共歎於則祐家之絕

而欲使其家再興之其頃石見事三條右
府故石見請右府使其子孫續其家右府
曰何以贖嘉吉之大逆乎石見答曰然則
赴南方弑其王奪取神璽奉返納之禁中
則可贖之乎於此右府奏聞之禁裏又達
武家朝廷武家既皆許容之故石見使間
島密爭南方伺其隙遂弑南方之王奪取
神璽奉返之禁中依其功使次郎賜加賀

半國又興其家謂之次郎政則其後山名
又謀叛而悉滅矣故使其嗣國賜本國播
磨并備前美作被任從三位侍從號左京
大夫其子四位兵部大輔義村實攝州之
赤松刑部少輔政資次男也政則以無男
子使義村娶其女續其家政則卒後義村
其臣為浦上掃部助於播州室津所害矣
世以為病死彼露矣此時義村子晴政幼

年而浦上執權故一家不和家族家臣等
悉振我威不從晴政晴政長而號從五位
左京亮晴政子從五位兵部少輔義祐子
時浦上又其臣被討字喜田而字喜田押
領備前美作義祐子從五位上總介則房
其頃字喜田弥振威赤松之氏族從之者
又多慶長年中濃州関ヶ原之役上總介
則房其外赤松左兵衛尉等之一族與字